

M205S: Pfaffe Konrad: 'Rolandslied' (S)

0,905 ze gifel finen fun.
0,906 nu ratet waz wer dar vmbe tûn.
0,907 vñ ratet gotef ere.
0,908 ia ne fvche ich niht mere.
0,909 wan daz wir fo ge dingen.
0,910 daz wir gotef hulde gewinnen.
0,911 Vf spranch der helt Rolant.
0,912 er sprach "Marfilie hat durch lifte here gefant.
0,913 er biutet groz ge dinge.
0,914 ia mach men da gewinnen.
0,915 meniger richteite uil.
0,916 fwerz da nemen wil.
0,917 ia uurhte ich uil harte.
0,918 daz der alte mit deme barte.
0,919 unſ da mite befwichen.
0,920 alſe wir in entwichen.
0,921 fo richtent ſi vf mahmete.
0,922 ſi geweltigent lant vñ ſtete.
0,923 fo riſenot Marfilie.
0,924 div kriſtenheit ge liget nidere.
0,925 fo moze wer iemer wole klagen.
0,926 daz wir lange eruochten haben.
0,927 daz uer wandelot ſich an einer wile.
0,928 nu uernemet die rede mine.
0,929 goldef han ich genoch.
0,930 do ich mich allerereſt vz hop.
0,931 do ophert ich den lip.
0,932 ſwenne nu komet die zît.
0,933 daz ich den uer wandelen ſal.
0,934 fo getrûwe ich gote wal.
0,935 ob ich an ſinem dienefte erſterbe.
0,936 daz der ſele etelich rat werde."
0,937 Olefir der helt got.
0,938 uor den keifer er ge ſtû.
0,939 er ſprach "getorſte ich nu herre.
0,940 fo riete ich dir dine ere.
0,941 dv haſt gote wol ge dienet.
0,942 div kriſtenheit iſt mit dir gezieret.

0,943 fam daz durch fotene golt.
0,944 ich fage dir herre wie du nu tûn falt.
0,945 uer ende wol din arbeite.
0,946 la din here leiten.
0,947 allenthalben zo den mere.
0,948 fi iemant der daz were.
0,949 den gereffe wir harte.
0,950 mit unferen guten fwerten.
0,951 fi müzen einen waren got bekennen.
0,952 heiz brechen vñ brennen.
0,953 ir uil unreinez betehuf.
0,954 die tiuuele muzen dar uz.
0,955 vber allez farreguz.
0,956 den ir guldinen fluz.
0,957 heiz fi felbe ze ftoeren.
0,958 gote ze lobe vñ ze eren.
0,959 fo faget men niwez mere.
0,960 wie der romifche voget were.
0,961 an Marfibilien riche.
0,962 daz ratich trîwicliche.
0,963 Blanfchandiz ift ein nahretich man.
0,964 geweltiget er widere hispaniam.
0,965 fo famnet fich der kriftenheit ere.
0,966 nu vñ iemer mere.
0,967 die wir nodigen haben ge=wnnen.
0,968 die heiden gehent wer fin entrunnen.”
0,969 Vf ftunt der erzebifcof. turpin.
0,970 er sprach “herre got fchephe mimem munde ein turlin.
0,971 daz ich hute fo ge rede.
0,972 alfez dinem namen gezeme.
0,973 ô wol du uoget uone rome.
0,974 ia nigent diner cronen.
0,975 alle kriftine kunincge.
0,976 mir geuellet uil ubele.
0,977 der def morgenef in den wingarten get.
0,978 daz er uor uespere uz uert.
0,979 ô wol ir uurften edele.
0,980 ir ware gotef helede.
0,981 iuwer wingarte ift wol gebuwet.
0,982 ir fchult wol getruwen.
0,983 daz iu der himelifche wirt.
0,984 in def namen ir hie birt.
0,985 lone nach iuwereme dinge.
0,986 mit eineme phenninge.
0,987 daz ift daz himelriche.
0,988 daz ift unf allen ge meinliche.
0,989 uf geftechet zo einem zile.
0,990 dar zo loufet fwer fo wile.

0,991 ift díu gruntuefte an gote erhaben.
0,992 fo wil ich iu werlichen fagen.
0,993 daz uberzimber ne mach niht gewichen.
0,994 unf nahet daz gotef riche.
0,995 uollen ge wir nicht deme fwarzen raben.
0,996 fine fete ne fule wer nicht haben.
0,997 da mane ich iv alle bi.
0,998 nemet ein grune oleizwi.
0,999 mit der turturtuben.
0,1000 ueftenet iuweren gelovben.
0,1001 dienet iuwreme fchephere.
0,1002 lazt iu wesen unmere.
0,1003 die gebe marfilien.
0,1004 er uulte er diz gebirge.
0,1005 mit roteme golde.
0,1006 ich ne weiz waz ez mir folde.
0,1007 uur den ewigen lip.
0,1008 nu bedenket iuh enzit.
0,1009 daz uer lihe iu der ware gotef fun.
0,1010 qui regnat in eternum.”
0,1011 Neimes uan beieren.
0,1012 der waf der ratgeben ein.
0,1013 der aller herften in deme houe.
0,1014 ein tugentlich herzuge.
0,1015 def leben waf fo lobefam.
0,1016 fo her dem keiser wol gezam.
0,1017 zo allen finen eren.
0,1018 er sprach zo den herren.
0,1019 do ich mich uone beieren huop.
0,1020 do uúrte ich menigen helt gut.
0,1021 do erwelete ich uier duſent miner manne.
0,1022 die ne ſint noch er flagen noch eruangen.
0,1023 ſie ſint gute knehte.
0,1024 zo der marter uindet man ſi gerehte.
0,1025 uerhenget ef unf min trehtin.
0,1026 fo fult ir uil gewiſ ſin.
0,1027 daz wer iv nieme gefwichen.
0,1028 noch zo neheiner note entwichen.
0,1029 ich en rúche umbe ir rede.
0,1030 wie mere ift mir marfilien gebe.
0,1031 wer fulen dare in daz ir lant.
0,1032 wer ge urúmen blútige rant.
0,1033 wer fulen uullen herten.
0,1034 mit den unſen guten fwerten.
0,1035 ich werde gerne ellende.
0,1036 an def merſ ende.
0,1037 wer fulen machmeten uertriben.
0,1038 vñ alle die mit ime beliben.

- 0,1039 ápollen finen gefellen.
0,1040 die sich ze gote haben willen.
0,1041 die entfa wir mit grozen. eren.
0,1042 gevalle ich minen herren.
0,1043 an finen genaden stat.
0,1044 beide wiftum vñ rat.
0,1045 ze libe vñ ze fele.
0,1046 fin ge bot er uolle ich iemer gerne.
0,1047 Der keiser gefwigte uile stille.
0,1048 her merkete ir iehelichef willen.
0,1049 ge trubet waf fin ge müte.
0,1050 iedoch uertrugen ez fine michelen gûte.
0,1051 daz er sich if niht erzeigete.
0,1052 daz houbet er nider neigete.
0,1053 daz nieman innen wart.
0,1054 einer stille er do bat.
0,1055 der bifchof fante iohannef.
0,1056 zo deme keiser gerte er urlovbef.
0,1057 vñ zo allen den herren.
0,1058 die in deme houe waren.
0,1059 er sprach "werez an minef herren willen.
0,1060 vf fine genade wil ich dingen.
0,1061 fo woltich vber valchart.
0,1062 zo almarie in die stat.
0,1063 kunden daz gotef wort.
0,1064 ich ne uurhte ne heinen ir tot.
0,1065 wolde got vñ werich def wert.
0,1066 daz mich fiur oder fwert.
0,1067 gelutterede an deme libe.
0,1068 fo were ich ane zwibel.
0,1069 daz min got ruhte."
0,1070 fine uenige er fuhte.
0,1071 zo def keiferef uûzen.
0,1072 "ich wille gerne" fprah er "buzen.
0,1073 fwaz ich wider got han getan.
0,1074 ich hup mich vz an gotef namen.
0,1075 ich ne wil die uurch nicht krump machen.
0,1076 mehtich gotef dienestef icht gefchaphen.
0,1077 den tiuuel gefchenden.
0,1078 er mvle vñ ir olbenden.
0,1079 en ruche ich nicht mere.
0,1080 wider der armen fele.
0,1081 die heiden bietent gewiffe.
0,1082 zo fante michelef miffe.
0,1083 willen fi sich toufen.
0,1084 def en fal in nieman gelovben.
0,1085 die toufe ift aller hereft.
0,1086 daz folte fin aller ereft.

0,1087 daz folte min herre an fehen.
0,1088 vñ folde ordinen ir leben.
0,1089 fo wochfe div gotef lere.”
0,1090 do fprachen di zwelf. herren.
0,1091 werez in def keiferef hulden.
0,1092 def ratef wolten fi uolgen.
0,1093 Genelun vf fpranch.
0,1094 er sprach “die uurfte haben alle undanc.
0,1095 daz fi edele vñ wife fint.
0,1096 wie man die tumbiften uernimt.
0,1097 die fin nu ze houe ratgeben.
0,1098 die wifen lazet men alle under wegen.
0,1099 die in wol tohten
0,1100 ze raten vñ ze uehten.
0,1101 die fint nu gare uer koren.
0,1102 war ift nu komen
0,1103 diu manihualde wifheit.
0,1104 dinen uurfte ift ez allen leit.
0,1105 daz du an dinen grozen wizzen.
0,1106 unf alle lezeft fizzoen.
0,1107 iz get unf an die ere.
0,1108 nu ne zemt iz niht lieber herre.
0,1109 din neue Rolant.
0,1110 vber rufet unf alle famt.
0,1111 Naimet uon beiren.
0,1112 der kam in wole ze wege zeigen.
0,1113 do wir zo dem burhtor drungen.
0,1114 do heten fi die burh gewnnen.
0,1115 do zurnete Rulat.
0,1116 daz er die beier uor ime da uant.
0,1117 helede uz er korne.
0,1118 man fach fe ie da uorne.
0,1119 fwaz unf her noch gefchach.
0,1120 da man fluh vñ ftah.
0,1121 da waren ie die recken.
0,1122 mit ire fcarpen ekken.
0,1123 fo iz guten knechten wol gezam.
0,1124 dar umbe wolter fi erflan.
0,1125 newerez niht under uaren.
0,1126 die ge torften ime wol geftaden.
0,1127 die beiere waren fine gaten.
0,1128 nu ftrebter uber den ualchart.
0,1129 mennifken blutef ne wart. er nie fat.
0,1130 vñ ander fine gefellen.
0,1131 war ane uerfuchent fi ir ellen.
0,1132 heuent fi fich an die heidenen.
0,1133 die ne willich niemer geleidegen.
0,1134 wande fi an got gehent.

0,1135 vñ der tove ulizichlichen gerent.
 0,1136 vñ der kriftenheite ge horfam fint.
 0,1137 ze gifel bietent fi ir kint.
 0,1138 Rolant ze ftoret dir alle dine ere.
 0,1139 die zwelue ratent dir uil ubele herre.”
 0,1140 Vf fpranch der helt Ruolant.
 0,1141 er fprach “Marfilie hete ovch ê here gefant.
 0,1142 uunfzehen grauen.
 0,1143 die der toufe alle iahen.
 0,1144 fi fwren menigerflah te gebe.
 0,1145 die noch hute fint underwegen.
 0,1146 dare widere fante min herre.
 0,1147 finer manne zwene.
 0,1148 Marfilie hiez in die hovbete abe flahen.
 0,1149 fwer nu golt wolle entfahen.
 0,1150 die entfa ez dar vbere.
 0,1151 der rat ge uellet mir ubele.
 0,1152 man nimt iz ane gotes ere.
 0,1153 vñ ge riwet unf her nach alle fere.”
 0,1154 Der keifer zurnte harte.
 0,1155 mit gestreichem barte.
 0,1156 mit vf gewndenen granen.
 0,1157 hiez er die phath uure tragen.
 0,1158 “ir ftet mit unzuhten.”
 0,1159 daz wil ich” fprach er “rihten.
 0,1160 wirdet if iuwet mere.
 0,1161 tût iz durch gotes ere.
 0,1162 vñ gefamnet iuch einer rede.
 0,1163 die unf der heilige geift gebe.
 0,1164 daz wir des beften ramen.”
 0,1165 fi fprachen alle aM
 0,1166 Die uranken gefamnet sich drate.
 0,1167 mit gemeinem rate.
 0,1168 giengen fi vf einen buhel grune.
 0,1169 die funne fchein wol fcone.
 0,1170 fi rieten al umbe.
 0,1171 ir iegelich befunder.
 0,1172 da riet mannegelich.
 0,1173 mit grozen forgen uor sich.
 0,1174 daz in duhte daz beſte.
 0,1175 fi befanden die geſte.
 0,1176 zo deme rate do kam.
 0,1177 uon beieren der herzoge
 0,1178 ôiger. uon denemarke
 0,1179 dierrich. der ſtarke.
 0,1180 wido van waſchonie.
 0,1181 Ivo uone albonie.
 0,1182 Gotefrit uone aiune.

0,1183 Ritfchart von tortune.
0,1184 diebalt uon remif.
0,1185 Heinrich uon garmef.
0,1186 turpin uon rainef.
0,1187 Milun uon afchalbaief.
0,1188 olefir vñ rolant.
0,1189 vñ waltere der wigant.
0,1190 Gergirf vñ Gergif.
0,1191 vñ der mere anfeif.
0,1192 anfgir waf da.
0,1193 Reimunt uan brittania.
0,1194 Genelun ftunt in almitten.
0,1195 die uurlten begunde er bitten.
0,1196 “wol ir edele herren.
0,1197 tut iz gote ze eren.
0,1198 obet iuwer wifheit.
0,1199 ge denket an die langen arbeit.
0,1200 ratet alle da zo.
0,1201 daz min herre ent weder tuo.
0,1202 er neme der heidenen ge dinge.
0,1203 oder man uûre die boten hinne.
0,1204 fô iz der kriftenheit ge zeme.
0,1205 vñ ne uerfmahe niht ir gebe.
0,1206 mem di gifel ze hant.
0,1207 vñ befêzze daz lant.
0,1208 be hute fine burge.
0,1209 vñ ne habe neheine forge.
0,1210 daz er fi gewerliche uinde.
0,1211 nablef vñ morinde.
0,1212 ualterne vñ pine.
0,1213 da beiten di fine.
0,1214 laz unf zo difen ziten
0,1215 zo unfen kinden riten.
0,1216 uer fume fîch Marfilie.
0,1217 fô heuen wer unf her widere.
0,1218 ze ftoren alle ire kraft.
0,1219 fô ne mowet unf die heidenfchaft.
0,1220 hinnen uort nicht mere.
0,1221 daz ratich minem herren.”
0,1222 Do fprach der biſchof turpin.
0,1223 “die rede uer biete felue min trehtin.
0,1224 fô uûre wir ane ende.
0,1225 min herre fâl dar fenden.
0,1226 waz die heiden willen tûn.
0,1227 vñ ratet alle dar zo.
0,1228 irkiefet iv einen wifen man.
0,1229 di unf widere kunne ge fagen.
0,1230 Marfilien gemûte.

0,1231 ich engetruwe ime neheiner gûte.
0,1232 wil er werden kriften.
0,1233 daz uer fuche wir mit liften.
0,1234 wer muzen in fo uer fezzen.
0,1235 ê wir in uri lazen.
0,1236 dar wir nine zwiuelen mere.
0,1237 daz ratich minem herren.”
0,1238 alle di die rede uernamen.
0,1239 herzogen vñ grauen.
0,1240 fi sprachen iz were daz allerbeste.
0,1241 do kerten die notúefsten.
0,1242 widere zo def keiseref gefidele.
0,1243 fi lehten alle nidere.
0,1244 den rat genelunef.
0,1245 dannen bechorten fi fit alle def todef.
0,1246 D ie uurfte baten alle.
0,1247 den bifchof fante Johanne.
0,1248 daz er ze houe were.⁷
0,1249 ir uor redenere.
0,1250 wole weften fi daz.
0,1251 daz er dem keifer lieb waf.
0,1252 er linete uber fine krucken.
0,1253 mit finen grawen locken.
0,1254 er sprach “grunt uefte der kriftenheit.
0,1255 hovbet unfer arbeit.
0,1256 blûme def heiligen gelovben.
0,1257 nu falt du mir vrlovben.
0,1258 an diner michelen fûze.
0,1259 daz ich reden muze.
0,1260 daz mir dine uurfte ge boten hant.
0,1261 also fi hie uor dir ftant.”
0,1262 Der keifer an finen wizzen.
0,1263 die uurfte hiez er fizzo.
0,1264 den bifchof er ane fah.
0,1265 daz wort er smilende sprah.
0,1266 “fi mehten einen fterkeren man.
0,1267 dar zo wol ge welt han.
0,1268 ir habet lutzet gereftet.
0,1269 mit uenie ioch mit uafte.
0,1270 mit anderen guten werken.
0,1271 da muze iuch got ane gefterken.
0,1272 ir fult haben rowe.
0,1273 get fizzo zo iuwereme ftule.
0,1274 also ir gefitzet danne.
0,1275 fo redet al daz iu geualle.”
0,1276 Do redete der bifchof.
0,1277 daz horte al der hof.
0,1278 er sprach “kuniçge vñ herzogen.

0,1279 fin mit rate ze samne chomen.
0,1280 bifchoffe vñ grauen.
0,1281 die in deme rate waren.
0,1282 du urūmeft die boten hinnen.
0,1283 vñ wil Marfilie dingen.
0,1284 fo fende dinen boten dare.
0,1285 der unf rehte eruare.
0,1286 waz di heiden willen tūn.
0,1287 felbe sich ovch du dar zu.
0,1288 wele dir uz in allen.
0,1289 die dir beft geualle.
0,1290 der durch fine gute.
0,1291 daz riche be hute.
0,1292 er be darf grozer [wilheit][.]
0,1293 min rede nefal niemanne wesen leit.
0,1294 fwen min herr[e] [fendet][.]
0,1295 ift daz. er daz wol uerendet.
0,1296 fo lonet ime min herre.
0,1297 [vñ] [uer]dient iz die uurfte. alle gerne.”
0,1298 Vf fpranch Rolant.
0,1299 vafte er dar uure dranch.
0,1300 er fprach “nu fende mich dare.
0,1301 min ovge ift alfo geware.
0,1302 fi ne mugen mich niht betriegen.
0,1303 willent fi unf liegen.
0,1304 in ne ge hilfet nehein ir lift.
0,1305 ich en fage dir aldaz dar ane ift.”
0,1306 der keifer weincte mit der hant.
0,1307 “fwih du neue Rolant.
0,1308 def ne habe neheinen gedanch.
0,1309 ich ne ge fende dich dar iarlanch.”
0,1310 Vf fpranch olefir.
0,1311 er fprach “herre nu vrlombe du ez mir.
0,1312 ich werue dine bodeschaf.
0,1313 fo ich aller befte mach.
0,1314 durch def riches ere.
0,1315 ê ich widere kere.
0,1316 wilt du mir if getruwen.
0,1317 fwie inner fi runen.
0,1318 allef ir willen.
0,1319 werdich fchiere innen.”
0,1320 der keifer fprach “olefir.
0,1321 uil wol getruwe ich dir.
0,1322 nu habe michelen danch.
0,1323 fiz widere an dine banch.
0,1324 du bift mir ze allen eren uil liep.
0,1325 ze boten ne wil ich din niet.
0,1326 du bift ze gehe mit der rede.

0,1327 vñ Rolant min neue.
0,1328 mit zornlichen worten.
0,1329 daz ift mir ze uorhten.
0,1330 fi ze ftorent groze ere.
0,1331 ne gewehne der rede niht mere.”
0,1332 Vf ſpranch turpin.
0,1333 her ſprach “herre nu la mich den boten fin.
0,1334 mit def heiligen geiſtes gebe.
0,1335 wie ob ich etewaz da ge rede.
0,1336 ich fage in die ppheten.
0,1337 daz fi unf uone gote lerten.
0,1338 ich kunde in den heiligen krift.
0,1339 herre wie ob iz nuzze ift.
0,1340 daz heilige ewangelium.
0,1341 wie maht du iemer baz getũn.
0,1342 were ieman der fi lerte.
0,1343 waz ob fi ſich be kerten.
0,1344 ſo kan ich dir daz ende wol ge ſagen.
0,1345 wi du dich herre ſalt bewaren.
0,1346 die uranken habent michel arbeit erliden.
0,1347 mit den heiden geſtriten.
0,1348 fi ſint lange müde.
0,1349 la fi mit gode.
0,1350 gebiuteſt duz herre.
0,1351 ſo uare ich uil gerne.
0,1352 vñ uer fuche iz mit ulize.
0,1353 daz mirz nieman mach uerwizen.”
0,1354 Der keiſer antworte ime mit minnen.
0,1355 “wenne la[zeſt] du di kaerlinge.
0,1356 handeln ir ſache.
0,1357 vñ lebe du mit ge[mache].
0,1358 waz haſt du da mite ze tũne.
0,1359 ganch zo dime ſtũle.
0,1360 horez alſe ein ander man.
0,1361 ich ne heize dich an den rat gan.
0,1362 geweh ef nicht mere turpin.
0,1363 alſo lieb dir mine hulde fin.”
0,1364 Vf ſpranch der helt Rolant.
0,1365 er ſprach “ge uellet iz den uurſten allen ſamt.
0,1366 vñ wil ef min herre geſtaten.
0,1367 ſo ift genelun min ſtiefuater.
0,1368 der aller triweſten boten einer.
0,1369 den ich in deme riche kan gezeigen.
0,1370 er ift wiſe vñ kũne.
0,1371 redehaſt genũge.
0,1372 er ift ein helt luſſam.
0,1373 wa uunde men nu einen man.
0,1374 der deme riche baz ge zeme.

0,1375 er ist ein uurfte also mere.
0,1376 man ne fal es in niht er lazen."
0,1377 die uurfte also si sazen.
0,1378 uerftenden alle under in.
0,1379 iz ne mehte nieman so wole sin.
0,1380 er gezeme wol deme rûmischen uogete.
0,1381 fwar er in fenden wolde.
0,1382 Genelun er bleichete harte.
0,1383 hin ze Rolante er warte.
0,1384 er sprach "nu hat mich der herre Rolant.
0,1385 uz difeme riche uerfant.
0,1386 daz ich under den [heiden] herfterbe.
0,1387 vñ ime daz erbe allez werde.
0,1388 huch vñ we. gesche dir.
0,1389 waz wizest du mir.
0,1390 mit bofen geisten bist du ge mût.
0,1391 nu ist iz aller ereft her uz er blût.
0,1392 daz du mir ie riete an den lip.
0,1393 din mu^oter ist idoch min wip.
0,1394 min fun baldewin.
0,1395 folde din brüder sin.
0,1396 uer gezzen hast du diner triwen.
0,1397 iz fal ouch dir uile fere ge riwen.
0,1398 fal ich minen lip han.
0,1399 des du nu zo mir hast getan.
0,1400 iz wirt dir uile fwere.
0,1401 du gehoreft niwe mere.
0,1402 iz tot mir michel not.
0,1403 in deme ellende lige ich ungerne tot."
0,1404 Karl der riche.
0,1405 der manete in ge zogenliche.
0,1406 "Genelun gefwige min.
0,1407 la dife unrede sin.
0,1408 du bist ein wifer herre.
0,1409 nune zurne niht so fere.
0,1410 gench here naher.
0,1411 mine boteschaf zenphahen.
0,1412 uar urolliche hinnen.
0,1413 handelez mit finnen.
0,1414 erweruest du deme riche decheine ere.
0,1415 aldin kunne uro[wet] es sich iemer mere."
0,1416 genûh werete sich Genelun.
0,1417 der keiser [bot] ime ie den hantschûn.
0,1418 er tete die wluine blicke.
0,1419 er rie[f] [u]il [dic]ke.
0,1420 "diz hat Rolant getan.
0,1421 ubele müzez ime ergan.
0,1422 vñ sin[en] [zwe]lef gefellen.

- 0,1423 nu habent si allen ir willen."
0,1424 der keiser im aber zo sprach.
0,1425 "nu ne habe nehein ungemah.
0,1426 van grozeme rehte bist dv mir lieb.
0,1427 durch Rolanten neuristet niet.
0,1428 diu boteschaf diu ist min.
0,1429 nu la din ungebare sin."
0,1430 den hantschon er ime aue reihte.
0,1431 Genelun erbleichte.
0,1432 er wart uil ubele ge uare.
0,1433 di uurften. warten alle dare.
0,1434 der keiser beualh ime finen stap.
0,1435 also er ime den hantschon gap.
0,1436 er liez in nider uallen.
0,1437 daz misseuuel in allen.
0,1438 daz man ime dicke muete reichen.
0,1439 si sprachen ez were ein ubel zeichen.
0,1440 daz ime aller erist misse ginge.
0,1441 vn des keiseref boteschaf unwetlichen entphienge.
0,1442 Genelun uel deme keisere ze ueezen.
0,1443 "herre" sprach er "mehte ich noch ge niezen.
0,1444 din sweister ist min wip.
0,1445 vn uer liefich den lip.
0,1446 so nimt Rolant.
0,1447 al min erbe zo finer hant.
0,1448 er be strovfet diner sweister fun.
0,1449 waz mehte ein wip wider ime getun.
0,1450 so muz der lutzle baldewin.
0,1451 iemer mere weise sin.
0,1452 du ne geseht mich niemer mere."
0,1453 den mantel warf er vf die erde.
0,1454 "bafanzi vn basilie.
0,1455 die ne kemen noch niht widere.
0,1456 den hiez er di hovbete abe flan.
0,1457 ich muz in den gewissen tot uaren."
0,1458 er begunde harte weinen.
0,1459 "ia muz ich ovch" sprach er "scheiden.
0,1460 uon dem aller schoneften wibe.
0,1461 die ie sehein man gewan zo fime libe.
0,1462 Rolant hat harte misse uarn.
0,1463 er zestoret al yspanien.
0,1464 iz kumt noch die stunde.
0,1465 vn lazt mich got ge funde.
0,1466 sie geriwet der rat.
0,1467 den si uber mich geurumet hant."
0,1468 Rolant sprach do.
0,1469 "ich ne uerhte neheine dro.
0,1470 tete miner rede ieman decheine ware.

0,1471 ich uûre ienoch uûr vch dare.
0,1472 mit den wifen fâl men raten.
0,1473 mit den tumben uehten.
0,1474 iuwer wiftum hat iz getan.
0,1475 ir ne duruet nehein angeft han.
0,1476 mir ift min bruder baldewin alfo liep.
0,1477 finef erbef engerich niet.
0,1478 miner muter lieben.
0,1479 fâl ich gerne dienen.
0,1480 ich enphlege nicht untruwen.
0,1481 fo mehte den keifer ruwen.
0,1482 daz er mich ge zogen hat.
0,1483 vñ nimt mich dicke an finen rat.
0,1484 daz ime niht ge zeme.
0,1485 ob iz were ein rovbere.”
0,1486 Karl der riche.
0,1487 fprah gezogenliche.
0,1488 “ir irret iz allen difen tach.
0,1489 daz ich uur unzuhten ne mach.
0,1490 def riches ere ze urûmene.
0,1491 daz ge [z]imt uurfte ubele.
0,1492 ich warne iuch da bi.
0,1493 alfo liep fo iuch min hulde fi.
0,1494 fo ne fumet unf nicht mere.
0,1495 vñ ne irret def richesere.”
0,1496 er sprach ze Genelune.
0,1497 “be denke dich helt tiure.
0,1498 zorn ift nehein gût.
0,1499 nim widere mannes mût.
0,1500 nu ne habe nehin angeft.
0,1501 die wile du mich lebene weiſt.
0,1502 nim diz inſigele.
0,1503 brinch iz marfilie.
0,1504 mit guldinen bohftaben.
0,1505 du maht ime zware ſagen.
0,1506 wil er got eren.
0,1507 zo der kriftenheit keren.
0,1508 ich lihe ime halp ysþaniam.
0,1509 werdet er deme riche under tan.
0,1510 Rolande daz ander teil.
0,1511 fo gebe in got felde. vñ gut heil.
0,1512 alfo weſ min zunge vñ min munt.
0,1513 vñ ge f[teti]gez an dere ſtunt.
0,1514 mit gifelen vñ mit gebe.
0,1515 fi daz er da widere icht rede.
0,1516 durch def riches ere.
0,1517 tuo alfe ich dich lere.
0,1518 ſage Marfilie.

0,1519 ich ne kere niemer widere.
0,1520 ê ich *farreguz* zeltore.
0,1521 vñ in gebunden uûre.
0,1522 vf eime efele hin ze ache.
0,1523 da nim ich die rache.
0,1524 daz hovbet heizich in abe *f*[la]hen.
0,1525 fweder halp er sich welle haben.
0,1526 def maht du schiere innen werden.
0,1527 got laze dich fine hulde erweruen.
0,1528 mit gote du uare.
0,1529 du nim uil. wole ware.
0,1530 vñ behûte dich die gotes kraft.
0,1531 vñ helfen unf alle himelische herfschaft.
0,1532 daz wir got da ge eren.
0,1533 vñ die kriftenheit gemeren.
0,1534 lieber man ge fwige. min.
0,1535 der heilige engel mûze din geuerte. fin.
0,1536 vnde geleite dich here widere ge funt.”
0,1537 der keifer kufin da ze ftunt.
0,1538 Do sich die herren scheiden.
0,1539 die trehene dicke uielen.
0,1540 uon genelune.
0,1541 daz wort *f*sprach er kume.
0,1542 dar wart. michel wfen.
0,1543 claien vñ rûfen.
0,1544 van fiben hunderet finer manne.
0,1545 die waren ge reht alle.
0,1546 ze dienen ir herren.
0,1547 ob fi bi ime folden erfterben.
0,1548 ia waren di herren alle.
0,1549 mit phellel wol behangen.
0,1550 mit golde ioh mit perellen.
0,1551 mit *f*te[ine]*n* uil edelen.
0,1552 die luchten sam die fternen engegen *abent*.
0,1553 der iaspif vñ der iachant.
0,1554 fmaragde die grûnen.
0,1555 topazien di schonen.
0,1556 onichiluf vñ fardin.
0,1557 wie mehtez wnnehlcher fin.
0,1558 in luhten da obene.
0,1559 krifolite vñ kalcedonie.
0,1560 berille die beften.
0,1561 vñ die guten ametiften.
0,1562 fardonix vñ fardiuf.
0,1563 die herren redeten alfuf.
0,1564 daz di boten wole zemen.
0,1565 karle deme meren.
0,1566 deme romifchen uogete.

0,1567 fine her=schaf si wol lobeten.
0,1568 Der herzoge Genelun lehte an sich.
0,1569 einen rok harte zirlich.
0,1570 uon gûtem cýclade.
0,1571 mit golde uil menige.
0,1572 gefmelzet dar under.
0,1573 die tier albefunder.
0,1574 dar woneten liehte uogeles.
0,1575 unden vñ obene.
0,1576 schinen fan der liechte tach.
0,1577 umbe finen half lach.
0,1578 ein bovch uil wehe.
0,1579 daz werk waf felzene.
0,1580 uzer golde vñ vzer gemmen.
0,1581 den fante ime zeminnen.
0,1582 der kuninc uon den britten.
0,1583 ia begurte [in] e[n] mitten.
0,1584 mulagir daz mere fahf.
0,1585 so uber alle franzen [ne] waf.
0,1586 fin tiurer nehein.
0,1587 uon finem hovbete do schein.
0,1588 ein edele karbunkel.
0,1589 des tages waf er tuncker.
0,1590 er liuhte alle die naht.
0,1591 sam der funne umbe mitentach.
0,1592 iz ne wart nie nehein keiser so here.
0,1593 geborn an der erde.
0,1594 er en zeme ime wol ze tragne.
0,1595 lanch ware iv ze fagne.
0,1596 waz man wnderf. dar ane uant.
0,1597 Neimes der beiere wigant.
0,1598 uuertez vane beiren.
0,1599 daz urkunde wil ich iv zeigen.
0,1600 der smit hiez Madelger.
0,1601 daz selbe fwert worhte er.
0,1602 in der stat ze regenfburch.
0,1603 iz wart mere vñ gut.
0,1604 do fin meines derzoge phlach.
0,1605 waz der heiden dar uore ftarp.
0,1606 er gab iz karle finem herren.
0,1607 iz rov in fit fere.
0,1608 genelun brahtez in der heiden gewalt.
0,1609 uile menich kristen des fit entgalt.
0,1610 Ist iz so daz buch zalt.
0,1611 Genelun uurte einen blialt.
0,1612 uz golde ge weben.
0,1613 da mahte man wole sehen.
0,1614 die tiuren goltborten.

0,1615 wohe geworhte.
0,1616 zabel. waf dar under.
0,1617 div lifte niden umbe.
0,1618 durch foten guldin.
0,1619 die schellen khlungen dar in.
0,1620 sam daz fuze seitsp[il].
0,1621 ander wnder uorte er uil.
0,1622 umbe spien men deme herzogen.
0,1623 zwene guldine sporen.
0,1624 der keiser hiez ime ze liebe.
0,1625 ein marh uure ziehen.
0,1626 ein romer hiez Mantiel.
0,1627 ein helt kune vn snel.
0,1628 der gab iz deme keiser ze minnen.
0,1629 under allen kerlingen.
0,1630 waf nehein rof so ge zalte.
0,1631 uber berh vn uber tale.
0,1632 fwenne er dar vf gefaz.
0,1633 daz er ane angeft waf.
0,1634 dar uffe lah ein filberin fatel.
0,1635 karl waf aller tugende uater.
0,1636 Genelun ge neich sinem herren.
0,1637 er sprach "nu lone ime got meniger eren.
0,1638 minem herren lieben.
0,1639 willich gerne dienen.
0,1640 er ge tete mir nie nehein leit.
0,1641 di zwelue fin nu uil gemeit.
0,1642 die mich hinnen habent ge geben.
0,1643 vn geuriftet mir got daz leben.
0,1644 ich bringez uzer deme spil.
0,1645 ich ge setze in ein zil.
0,1646 so mir derre min bart.
0,1647 si geriwet alle dife houeuart."
0,1648 Do faz der herzoge Genelun.
0,1649 vf ein zire marhiz tafkbrun.
0,1650 uon den herbergen er [reit][.]
0,1651 er waf drier ellen breit.
0,1652 en eben sine achflen.
0,1653 lanch waf [er] [ge] wahfen.
0,1654 groz fin ge beine.
0,1655 do sprachen die heiden.
0,1656 si[ne] [feh]en an dirre werlde.
0,1657 neheinen so starken lebende.
0,1658 fin [an]tutze waf herfam.
0,1659 fin uarwe diu bran.
0,1660 sam die lihten uiuref flammen.
0,1661 fiben hunderet manne.
0,1662 uolgeten ire b[er]ren.

0,1663 fi weineten alle fere.
0,1664 an urteil fazten fi den lip.
0,1665 beide kint vñ wip.
0,1666 durch ir truwe.
0,1667 fi heten groze ruwe.
0,1668 Genelun neich deme keifere schone.
0,1669 er kerte an eine wifē grune.
0,1670 er ge habete under finen mannen.
0,1671 diu rede waf also lange.
0,1672 “diz ist” sprach er “ein herlich schare.
0,1673 ir sit alle wol gare.
0,1674 iuwerf guten willen.
0,1675 bin ich dicke wole worden in[ne]n.
0,1676 iuwer dieneft ist schone.
0,1677 nu muze iu got lonen.
0,1678 vñ [ich] iemer gerne wile uer schulden.
0,1679 dife truwe ist vbergulde.
0,1680 aller werlte eren.
0,1681 daz ir durch iuweren herren.
0,1682 sit gerecht unz an den tot.
0,1683 nu habet ir alle groze not.
0,1684 nu ist michel bezzere wizze krift.
0,1685 nu iz unf dar zo komen ist.
0,1686 daz ich eine erfterbe.
0,1687 dan ich iuch alle laze uerlorn werden.
0,1688 nu ritet zo minem herren.
0,1689 da ne mach iu nicht ge werren.
0,1690 uerdienet umbe den keifer.
0,1691 daz der min arme weifen.
0,1692 fwe iz umbe mih er ge.
0,1693 finen willen willih besten.
0,1694 min lieber fun baldewin.
0,1695 der fal iu beuolen fin.
0,1696 ziet in iv ze eren.
0,1697 zuht fulet ir in leren.
0,1698 heizet in herlichen. leben.
0,1699 er mach wol miltichlichen geben.
0,1700 er habe willich fine man.
0,1701 an iuweren ge naden falez ftan.
0,1702 der finen not ueften.
0,1703 so mah ime ubele gebriften.
0,1704 buwe denne wole fin lant.
0,1705 were rovb vñ brant.
0,1706 habe fin ge rihte.
0,1707 al nach der phahte.
0,1708 laz niht under wegen.
0,1709 got laze in ge funt leben.
0,1710 Nv bit ich iuh ovch mere·

- 0,1711 uolftetiget iuwer ere.
 0,1712 ob ich dar zo den heiden belibe.
 0,1713 minem lieben *w*[ibe][.]
 0,1714 [beuelhet] [mine] fele.
 0,1715 ratet ire ir ere.
 0,1716 allef gutef wil *ich* [ir] [wol] *ge*[t]r[uwen][.]
 0,1717 ia lazich ire wole erbuwen.
 0,1718 menige bræite [hvben][.]
 0,1719 *fc*[hazef] ge nûge.
 0,1720 bringet ire diz uingerlin.
 0,1721 ruhtef [min] [trehtin][.]
 0,1722 [ich] fehe fie uil gerne.
 0,1723 vñ manet fi uil uerre.
 0,1724 durch [ire] [tugent]liche fite.
 0,1725 daz fi gute liute umbe mih bite.
 0,1726 *nah* di[rre] [zwiuel]licher widerchere.
 0,1727 ia ne fie ich fi leider niemer [m]e[re][.]”
 0,1728 D[o] [fich] die gelieben.
 0,1729 uon einander fchieden.
 0,1730 der iamer tet[e] [in] [uil] [we][.]
 0,1731 weder fit noh ê.
 0,1732 endorfte nie grozer chlage werden.
 0,1733 *f*[i] [vie]len zo der erde.
 0,1734 daz har brachen fi vz der fwarte.
 0,1735 *fi* [wofften] alle harte.
 0,1736 unmaze waz ir clage.
 0,1737 groz waf ir ungehabe.
 0,1738 *uile* dicke fi ime nah fehen.
 0,1739 fi begunde harte iameren.
 0,1740 mit *wei*[nen] vñ mit wffen.
 0,1741 fi begunden ime nah rûfen.
 0,1742 fi sprach[en] “[der] [her]re got uon himele.
 0,1743 der fende dich gefunt widere.
 0,1744 fo *ne* g[efchege] unf nie fo liebe.”
 0,1745 uon ein ander fi fchieden.
 0,1746 da kerten di[e] he[lede].
 0,1747 wider an di[fe]lede.
 0,1748 Genelun zun heiden.
 0,1749 fi waren unfanf*te* g[e]fcheiden.
 0,1750 Genelun truriclichen reit.
 0,1751 daz waf den [h]e[id]e[n] uil leit.
 0,1752 fi huben ir kurzwele.
 0,1753 fi fahten ir fabelie.
 0,1754 fi f[ahten] [ein]ander under wegen.
 0,1755 menige feltfene rede.
 0,1756 fi lahten [vn] [we]ren uil uro.
 0,1757 Genelun er halte fich do.
 0,1758 der alte blan^f[chandiz] wart fin geware.

- 0,1759 er hvp sich eneben in dare.
 0,1760 er *fpr*[ach] "[en] were iz dir herre niht fwere.
 0,1761 ich wolde dich ein lu[tzel] [ura]gen.
 0,1762 ich en zwieuele dar ane niht.
 0,1763 du bist deme keif[ere] [uil] lieb.
 0,1764 dir entwichent alle sine rat geben.
 0,1765 daz han ich [ovch] felbe wol erfehen.
 0,1766 fwaz du gebiudest daz ist getan.
 0,1767 du ha/[t] di herlichen man.
 0,1768 nu wndert mih diner grozen wiſheit.
 0,1769 *war* zo lidestu di unmazen arbeit.
 0,1770 nu habet ir beduungen.
 0,1771 kriechen vñ vngerer.
 0,1772 rûzen vñ boelan.
 0,1773 di grimen fahſen alle. ſam.
 0,1774 beiren vñ fwaben.
 0,1775 vñ alle di in divtiſcher erde *waren*.
 0,1776 *w*[aſc]onie [vn] [en]gellant.
 0,1777 ſtet an finer gewalt.
 0,1778 ýſpanien [vnſe]r rich.
 0,1779 [die]net ime uorhtlichen.
 0,1780 fwanne erf ſich wil erlovben.
 0,1781 [nu] [iſt] er dicke uer hovwen.
 0,1782 vñ iſt komen an ſin alter.
 0,1783 [nu] meht [er] [ſich] [no]ch behalten.
 0,1784 vñ ſchonete finer witze.
 0,1785 vñ [lie]ze *iuch* da [heime] [f]izzen.
 0,1786 ob iz der uurſten wille were.
 0,1787 def woltih *dih* ger[ne] [u]ragen."
 0,1788 Der herzoge do ſprah.
 0,1789 "iz en iſt [mir] [niht] [un]ge[mah][.]
 0,1790 *iz* iſt ein urowede der heiligen kriſtenheit.
 0,1791 [vñ] [iſt] *ein* ſu[ze] [ar]beit.
 0,1792 iz iſt ein troſt der ſele.
 0,1793 diu ne kunt nie[mer] [mere][.]
 0,1794 [z]o n[ehe]iner hellewize.
 0,1795 fwer ime dienet mit ulize.
 0,1796 w[e]neſtu da[z] [iz] der keiſer tû.
 0,1797 got uûrderet iz ime zo.
 0,1798 ſinen boten [u]on himele.
 0,1799 ſen[d]et er zo deme kuniçge.
 0,1800 der gebivtet ime di her[uart].
 0,1801 ſo [ne] [i]/[t] def nehein rat.
 0,1802 wir en helfen ime dar zo.
 0,1803 ungewiz[z]en [iſt] [iz] [dir] [n]u.
 0,1804 der warheit wirdeſtu wol innen.
 0,1805 wiltu di [kr]iſtenheit minnen.
 0,1806 ich [wil] dir werlichen ſagen.

0,1807 dem keifere ne [m]ah nieman gefchaden.
 0,1808 got ift felbe mit im.
 0,1809 er gip ime kraft *vñ fin*.
 0,1810 [vñ] fterket in dar zo.
 0,1811 beide fpate vñ uro.
 0,1812 karl ift der *türefte* [man][.]
 0,1813 [d]en ich ie horte gefagen.
 0,1814 fchaz ift ime unmere.
 0,1815 er [uerfmahet] lugenere.
 0,1816 er hatzet alle bofheit.
 0,1817 er fchaffet der fele g[ewareheit][.]
 0,1818 den lip uuret er ueile.
 0,1819 unf allen zeheile.
 0,1820 behalte w[ir] [di] [fele][.]
 0,1821 er engeret alles mere.”
 0,1822 Blanschandiz der alte.
 0,1823 [vil] [liftic]lichen er fich erhalte.
 0,1824 “du redeft wol” fprah er “herre.
 0,1825 [wir] *fuln if* dir danken uerre.
 0,1826 daz dir din herre lieb ift.
 0,1827 vñ [daz] [du] ime getruwe bift.
 0,1828 foldih di wele han.
 0,1829 fo ne erkentih *nie ne*beinen man.
 0,1830 der hih fo gerne were.
 0,1831 wi gernih in noh ge[fe]he.
 0,1832 her hat menige tugent gute.
 0,1833 er hat herlih gemute.
 0,1834 er [h]at. ein kuniclich leben.
 0,1835 er hat wife ratgeben.
 0,1836 fi behertent ime [g]roze ere.
 0,1837 nu fage mir ovh mere.
 0,1838 waz meinet aber daz.
 0,1839 do [v]nfer rede wol uerendet waf.
 0,1840 do kam Rolant.
 0,1841 er hete einen [aphe]l in der hant.
 0,1842 mit micheler hohuerte.
 0,1843 mit geuazetem [fwerte].
 0,8599 [...] reinen.
 0,8600 da ware umbe ueile.
 0,8601 al daz ih ie gefah.
 0,8602 uil leit ift mir din ungemah.
 0,8603 nu nemah dih nieman wider gewinnen.
 0,8604 in der helle moftu brinnen.”
 0,8605 fi weinte foharte.
 0,8606 fi ftünt an einer warte.
 0,8607 Der keifer vñ di fine helde.
 0,8608 fchiften uber di seibere.
 0,8609 fi wrden wol beraten.

0,8610 al daz di heiden uz brahten.
0,8611 daz kam in allez ze guten ftaten.
0,8612 fo tot ie unfer rehter uater.
0,8613 fo in fine rehten kint fokent.
0,8614 al ir not er wol beroket.
0,8615 mit uf gerihten uan.
0,8616 kerten fi gegen dem burh graben.
0,8617 di kuniċgin precmunda.
0,8618 uiel ilente fa.
0,8619 fi hiez di burhtor entfluzen.
0,8620 den keifer fi dar uf liezen.
0,8621 dem keifer uiel fi ze uozen.
0,8622 "ih wil" ſprah fi "rihten vñ bozen.
0,8623 fwa ih mih uerfumet han.
0,8624 ih han iz unwizzen getan.
0,8625 di tiuel hant mih lange betrogen.
0,8626 du biſt mir zetroſte komen.
0,8627 ih erkenne wol dine warheit.
0,8628 hilf du mir zo der kriſtenheit.
0,8629 ih gelovbe an minen trehtin.
0,8630 fwi du gebiuteſt fo wil ich ſi N."
0,8631 Daz liut ſih tovfte. vñ bekerte.
0,8632 alfo ſigot lerte.
0,8633 ir biſcoftom fi ftiften.
0,8634 vñ zegote ſi ſih rihten.
0,8635 der keifer vñ fine man.
0,8636 prehmunða uorten ſi dan.
0,8637 gote ſi lop ſungen.
0,8638 ſi heten gewokeret vñ gewnnen.
0,8639 uil manige heilige ſele.
0,8640 ſi ſcinenent ſam der ſunne in dem gotes rike iemer mere.
0,8641 Der keifer nahte note.
0,8642 ſinen uil. lieben toten.
0,8643 di im belegen waren.
0,8644 ſi huben ir iameren.
0,8645 daz erfah di kuniċgin.
0,8646 "daz uer biete herre min trehtin."
0,8647 ſprah der uröwe.
0,8648 "daz iſt der min gelöbe.
0,8649 wande ſi durh daz reht ſint gelegen.
0,8650 daz ſi uor gote iemer leben.
0,8651 nu horte ih di herre ſagen.
0,8652 di rehten fule men niht clagen.
0,8653 ir tot iſt geware.
0,8654 funter offen funtere.
0,8655 di totliken erſterben.
0,8656 diſe heiligen fulen unf gotes hulde erweruē."
0,8657 Der keifer wnderot harte.

0,8658 ir wiliken worte.
0,8659 er ne clagete niemer mere.
0,8660 also grimmicliken fere.
0,8661 fo er da uor te[t]e.
0,8662 mit f almen vñ mit gebete.
0,8663 ir toten fi begroben.
0,8664 ir wnd[en] fih uf hub[e]n.
0,8665 fi befazten di marke.
0,8666 fi uorten dri farke.
0,8667 zo d[e]m guten fente Romane.
0,8668 da foket man zeware.
0,8669 ir uil heiligez gebeine.
0,8670 an dem iungeften urteile.
0,8671 fulen fi unfer niht uergezzen.
0,8672 wante fi habent daz himelrike befezzen.
0,8673 Diu b[o]h urkundent inoh
0,8674 der keiser gebot einen hof.
0,8675 mit michel[eme] ulize.
0,8676 ka[men] di uurften allgemeinliche.
0,8677 dar kamen ahte kuničge.
0,8678 vñ inoh dar [u]ere.
0,8679 bifcofe vñ herzogen.
0,8680 der ne mahte nieman an daz ende komen.
0,8681 ze ake wolde er den hof hauē.
0,8682 da waf manih wort spaer man.
0,8683 dar kamen ōh di karlinge.
0,8684 der hof wart uil grimme.
0,8685 dar kam ein fcone alde.
0,8686 wol en[t]phienc fi da
0,8687 der keiser felbe.
0,8688 vñ alle fine helde.
0,8689 fi sprah "karl gefegenneter keiser.
0,8690 uoget witewen vñ weifen.
0,8691 war haftu Rolanten getan.
0,8692 gip mir widere minen man.
0,8693 dem du mih ze wibe gabe.
0,8694 wi gerne ih in erfahe."
0,8695 Her antwort ir fa.
0,8696 "li[e]be liebe alda.
0,8697 ih entarn dir niht liegen.
0,8698 leider du ne gefehst in niemer.
0,8699 du ne maht sin niht haben.
0,8700 er liget leid[e]r toter begraben.
0,8701 clage du niht fere.
0,8702 ich ergetze dih sin gerne.
0,8703 ih gibe dih zewibe.
0,8704 dem guten ludewige.
0,8705 ich mache dih ze kuničginne.

0,8706 uber alle karlinge.”
0,8707 “war fal ih arme denne.
0,8708 Lvdewigen du mir niemer uor genenne.
0,8709 noh niemer deheinen anderen man.
0,8710 fal ih Rolantef niht haben.
0,8711 fo wil ih erfterben gerne.”
0,8712 fi uiel grimme an di erde.
0,8713 “aller dinge fcheffere.
0,8714 do du mir in zewine gabe.
0,8715 war umbe haftu mir in ge nomen.
0,8716 war fal ih arme nu komen.
0,8717 ih bite dih reiner magede barn.
0,8718 daz ih umbewollen moze uaren.
0,8719 dar di magede alle fint geladet.
0,8720 mine fele beuelhe ih an dine gewalt.
0,8721 aller engele kuniċginne.
0,8722 [d]az ih niemer kome hinnen.”
0,8723 fi begunde harte bleiken.
0,8724 der keife[r] wolte ir helfen.
0,8725 er uienc fi mit der hant.
0,8726 alfo to[t]e er fi uant.
0,8727 da zeicte got fine tovgen.
0,8728 men begrop fi zo anderen heiligen *u*rowen.
0,8729 Der keifer an daz gerihte gefaz.
0,8730 owi w[az] uurften u[ore] im waf.
0,8731 er hiez genelunen bringen.
0,8732 do wolten im *di* [karl]inge.
0,8733 den lip gerne uriften.
0,8734 fi fpraken daz fi in nine weften.
0,8735 [a]n nihte uber wnden.
0,8736 doh er ware gebunden.
0,8737 fin reht w[er]e uil groz.
0,8738 er were aller uurften genoz.
0,8739 Gene[lu]n bat *einer* f[t]ille.
0,8740 er fprah “herre iz waf min wille
0,8741 ih enlo^vge[n] [fin] dir [nit].
0,8742 der [z]welue tot ift mir liep.
0,8743 iz ift gewiffe der min rat.
0,8744 ih *hete* in e [w]iderfaget.
0,8745 ze diner antworte offenliken.
0,8746 daz erziuge ih mit *dem* rike.”
0,8747 “waz bedurue wer nu rede mere.”
0,8748 fprah def rikef herre.
0,8749 “wante er ef offenliken hat ueriehen.
0,8750 daz er di kriften hat ge geben.
0,8751 in di gewalt der heiden.
0,8752 ih frage urteile.
0,8753 alfe di phahte [t]ihten.

0,8754 fo wil ih uber in rihten."
0,8755 do waf Genelunef geflehte.
0,8756 *kreftih vñ mehtih.*
0,8757 ein uil uorderlikez kunne.
0,8758 fi heten im gerne gewnnen.
0,8759 def keiferef hulde.
0,8760 fi spraken "uil groz sint fine sculde.
0,8761 unſ iſt harte miſſeſchen.
0,8762 die tiuriften ſin gelegen.
0,8763 nu ne mah fi nieman wider gewinnen.
0,8764 ge ere dine kunlinge.
0,8765 geſtille herre dinen zorn.
0,8766 laz in zo dinen genaden komen.
0,8767 durh diner ſweſter ere.
0,8768 def bite wir dih herre.
0,8769 Genelun dienet dem riche.
0,8770 imer mere uortliken."
0,8771 Der keiſer erzurnte harte.
0,8772 mit uf geuangeme barte.
0,8773 er ſprah "din rede. iſt mir fware.
0,8774 der mir al daz golt gabe.
0,8775 uz uon arabifken riken.
0,8776 iz en fi daz mir di uurfte gefwiken.
0,8777 daz ih ef nine name.
0,8778 wider difem uerratere.
0,8779 man ſal iz iemer zemare ſagen.
0,8780 daz wirz an im geroken haben.
0,8781 uz an der werlt ende.
0,8782 di kriſtenheit iſt harte geſchendet.
0,8783 def gat unſ michel not.
0,8784 ia ne geſcah nie ſogetan mort."
0,8785 Dar uor dranc binabel.
0,8786 er waf michel vñ ſnel.
0,8787 ftark vñ kone.
0,8788 redehaſt genoge.
0,8789 er ſprah getarn [ih] uor dinen hulden.
0,8790 fo wil ih gerne geunſculden.
0,8791 Genelunen minen oheim.
0,8792 daz er untriwe nehein.
0,8793 an den hat begangen.
0,8794 dar umbe erſtat geuangen.
0,8795 gebunden uor dem rike.
0,8796 er wider ſaget in offenlike.
0,8797 ih wil mit minem fwerte.
0,8798 fine triwe im erherten.
0,8799 uzen lazih minen herren einen.
0,8800 fo niſt hi manne neheiner.
0,8801 der ef in ſculdigen welle.

0,8802 der uerfuke fin ellen.
0,8803 trete gegen mir in den kreiz.
0,8804 mit kamphe beredih in goteweiz.
0,8805 ih er ledige in hute ob [ih] [mah].